



13 Septemba 2022

Media Rilis – Apdeit blong Klaemet blong Vanuatu

La Niña i stap wetem yumi

Stamba Mesej:

- Long namba 13 Septemba 2022 ENSO Aotluk i go antap long **La Niña**, hemia i minim se stap insaed long Tropikol Ekwatoriol Pasifik.
- Wetem La Niña we i stap finis insaed long Tropikol Ekwatoriol Pasifik, Vanuatu i shud ekspektem **ova long nomol renfol blong nekis tri manis (Oktoba, Novemba, Disemba 2022)**.
- Taem La Niña i tekem ples bambae i gat janis blong gat plante ren i foldaon, we bae hemi ova long nomol renfol long Vanuatu, mo bae i save mekem se i gat **strong flading, flading long olgeta flat eria mo graon i save foldaon (lanslaed)**.
- Advaes i go long olgeta komuniti blong tekem aksen blong stap redi oltaem, toktok wetem olgeta stret lokol otoriti blong save olgeta infomesen long saed blong La Niña.
- Enkarejmen toktok i go long evri pipol blong lukluk olgeta **lokol indiketa** raon long komuniti blong olgeta blong helpem olgeta blong stap redi long eni rabis impak blong La Niña we bae i save kam.

ENSO Aotluk:

ENSO i muv i go antap long **La Niña**. Hemia i minim se La Niña i setap insaed long Tropikol Ekwatoriol Pasifik we hemia i nambatri taem nao we i hapen olsem (2020/2021, 2021/2022 mo 2022/2023). Tempereja blong seves blong solwota long Tropikol Pasifik i stap go kolkol long manis Jun finis i kam mo naoia long stat blong La Niña. Atmosferik indiketa inkludum Saoten Osilesen Indeks (SOI), paoa blong tred win, klaod long ikweta oli soemaot paten blong we bae i semak olsem blong La Niña.

(To contact VMGD Divisions directly)


Observations:	Ph: 22433 Email: observers@meteo.gov.vu	Climate :	Ph: 23866 Email: climate@meteo.gov.vu
Forecast:	Ph: 22932 Email: forecast@meteo.gov.vu	Geo-Hazards :	Ph: 24686 Email: geohazards@meteo.gov.vu
Climate Change:	Ph: 22331 Email: piccap@vanuatu.com.vu	ICT and Engineering :	Ph: 24686 Email: helpdesk@meteo.gov.vu

Olgeta Klaemet Model we Vanuatu Meteoroloji & Geo-Hazad i stap yusum i soemaot se La Niña i save go antap long manis Oktoba & November mo Disemba mo lukluk i stap se bae hemi gobak nutrol kondisen long stat blong 2023. Long Vanuatu, olgeta nomol kondisen blong La Niña i save inkrisim janis blong ova nomol renfol blong plante eria raon long kaontri mo i save developem tu olgeta tropikol saeklon blong 2022/2023 Tropikol Saeklon sisen we i stap kam.


Level blong Renfol mo Aotluk blong Vanuatu

Evri eria blong renfol raon long Vanuatu oli rikodem ova long nomol renfol long las 3 manis mo olgeta klaemet model oli soemaot se blong manis Oktoba kasem Disemba 2022 bae i gohed blong gat ova long nomol renfol. Blong sisen blong 2022/2023 Sisen bambae ples i wetwet moa bitim nomol period blong hem long ful Vanuatu.

Renfol Fokas blong manis **Oktoba kasem Disemba 2022**



Janis blong gat Bigfala Renfol blong manis **Oktoba kasem Disemba 2022**



(*Sos: Bureau of Meteorology, Australia*)

Olgeta Impak we bae oli save hapen

Olgeta impak long saed blong olgeta kondisen blong La Niña we Vanuatu bae i save ekspektem hemi ova long nomol renfol, we bae hemi save mekem se i gat strong flading, flad long olgeta low eria, graon i foldaon. La Niña i save developem olgeta tropikol aktiviti long Vanuatu.

Tebol daon ia i soemaot olgeta eksampol blong impak blong La Niña blong 2021/2022 long Vanuatu.

Deit	ENSO Status	ENSO Aotluk	2020/2022 La Nina Impak	
			Olgeta kaen impak	Eria we bae i kasem

(To contact VMGD Divisions directly)

Observations:	Ph: 22433 Email: observers@meteo.gov.vu	Climate :	Ph: 23866 Email: climate@meteo.gov.vu
Forecast:	Ph: 22932 Email: forecast@meteo.gov.vu	Geo-Hazards :	Ph: 24686 Email: geohazards@meteo.gov.vu
Climate Change:	Ph: 22331 Email: piccap@vanuatu.com.vu	ICT and Engineering :	Ph: 24686 Email: helpdesk@meteo.gov.vu

Januari kasem Februari 2022	La Niña long hae level blong hem	La Niña	- Ova long nomol renfol - Flading - Wota logging - Tropikol saeklon/Tropikol distebens	Ful Vanuatu
			- Vekta mo Wota bon disis - Fish Poisen - Graon i foldaon	Not mo Sentrol pat blong Vanuatu

Bambae Vanuatu Meteroloji mo Geo-Hazad Dipatmen (VMGD) bae i givimaot narafala infomesen bakegen long saed blong La Niña wetem Tropikol Saeklon Sisen Aotluk 2022/2023 Sisen long stat long manis Novemba 2022. Be naeia i go, hemi wan advaes i go long olgeta komuniti blong oli tekem olgeta aksan blong stap redi oltaem mo toktok mo askem infomesen long olgeta stret otoriti blong stap up-to-date wetem olgeta infomesen blong evri manis we i kam long VMGD.

Blong save moa infomesen, Kontaktem Daarekta blong Vanuatu Meteroloji mo Geo-Hazad Dipatmen.



(To contact VMGD Divisions directly)

Observations:	Ph: 22433 Email: observers@meteo.gov.vu	Climate :	Ph: 23866 Email: climate@meteo.gov.vu
Forecast:	Ph: 22932 Email: forecast@meteo.gov.vu	Geo-Hazards :	Ph: 24686 Email: geohazards@meteo.gov.vu
Climate Change:	Ph: 22331 Email: piccap@vanuatu.com.vu	ICT and Engineering :	Ph: 24686 Email: helpdesk@meteo.gov.vu